

ალავერდის მიტროპოლიტი - სიფრთხილის დაცვა ღვთისთვის მოსაწონია, სიფრთხილებზე უგუნური თავმონონებით უარის თქმა, კიდევ უფრო დამამძიმებელია



ალავერდის მამათა მონასტრის წმინდა გიორგის სახელობის ეკლესიაში სასულიერო პირებმა წირვის დასრულების შემდეგ კორონავირუსის საფრთხის გამო ეკლესიის მიერ ზიარების წესის შესახებ, ასევე ჰიგიენის დაცვის აუცილებლობაზე ისაუბრეს.

ალავერდის მიტროპოლიტმა, მეუფე დავითმა შექმნილ ვითარებაში ორგანიზებული მოქმედებისთვის ხელისუფლებას მადლობა გადაუხადა და მრევლს სიფრთხილისკენ მოუწოდა.

„შიში ყოველთვის ურწმუნოებიდან მოდის. დღეს დიდი მითქმა-მოთქმაა, რომ ქვეყნები იკეტება და კარანტინშია ხალხი, მაგრამ საოცარი რამ მოხდა. მადლობა ღმერთს, ჩვენს ხალხს, ხელისუფალს, საოცარი ერთიანობა გამოაჩინეს. ღმერთმა დაუშვა და ეს გამოცდა ჩვენმა ერმა კარგად ჩააბარა. გუშინ მელაპარაკა ერთი ადამიანი, რომლის

სასტუმროშიც უცხოეთიდან ჩამოსული ადამიანები არიან. არც ერთ თანამშრომელს, არც დიდს და არც პატარას არ დაუტოვებია თავისი სამსახური, რომელიც ღვთის წყალობით, მათთვის გვირგვინი იქნება. დღესაც, როგორც სხვა დროს, ემსახურებიან იქ მყოფ ადამიანებს. ეს დიდი სამაგალითო შემართებაა. მათ ზურგი კი არ აქციეს, გვერდში დაუდგნენ. ყველას შეიძლება ეს განსაცდელი შეხვდეს, იგივე ხელისუფალს, რადგან ისინიც დღე და ღამე აქტიურად არიან ჩართულები და ორგანიზებას კარგად აკეთებენ“, – განაცხადა მეუფე დავითმა.

ალავერდის მიტროპოლიტის თქმით, სიფრთხილის დაცვა ღვთისთვის მოსაწონია.

„საფრთხისაგან თავის არიდება არ არის სირცხვილი, სიფრთხილის დაცვა ღვთისთვის მოსაწონია, უგუნური თავმონონებით უარის თქმა ამ სიფრთხილებზე კიდევ უფრო დამამძიმებელია, რადგან მას საფუძვლად ამპარტავნობა უდევს. ამპარტავანი სძულს უფალს, ხოლო თავდამდაბალი, რომელიც სიფრთხილეს იცავს გონიერებით, ღვთისთვის საყვარელია და წყალობასაც მიიღებს. სიფრთხილე დღეს აუცილებლად უნდა დავიცვათ და ეს სათაკილო არ არის, მაგრამ თუ ღვთის სანინააღმდეგოს გვეტყვიან, რა თქმა უნდა, ქრისტიანებმა არც უნდა მოვისმინოთ, არა თუ ვიმსჯელოთ. ზიარება ეს ის საიდუმლოა, რომელსაც ადამიანის გონება ვერ მინვდება და რომელსაც ადამიანის ენა ვერ გამოსთქვამს“, – თქვა ალავერდელმა მიტროპოლიტმა დავითმა.

საპატრიარქო კორონავირუსის პრევენციული ღონისძიებების შესახებ განცხადება 14 მარტს გაავრცელა და მრევლს რეკომენდაციებით მიმართა. განცხადებაში აღნიშნულია, რომ საპატრიარქო დასაშვებად მიიჩნევს, ზიარების შემდგომ სასმელის („სიტკბოების“) მიღება მოხდეს საკუთარი ან ერთჯერადი ჭიქებით.